

Sakspapir

Saksbehandler	Arkiv	ArkivsakID
Tonje Husum Aarland	FE-223, FA-U01	23/231

Saksnr	Utvalg	Type	Dato
016/2023	Næringsfondsstyret	PS	29.08.2023

Søknad om tilskot frå næringsfondet til etablering av nettbutikk

Forslag til vedtak:

Modalen kommune løyver kr. 74 500,- i tilskot frå næringsfondet til IGold Peykov til etablering av nettbutikk.

Følgjande vilkår gjeld for vedtaket:

1. Tilskot skal nyttast i tråd med søknad m/vedlegg.
2. Tilskotet vert utbetalt på grunnlag av medgåtte dokumenterte kostnader. Før utbetaling skal mottakar ha levert inn dokumentasjon eller rekneskap som er spesifisert i samsvar med stønad og vedtak.
3. Utbetaling må skje innan 1 år frå vedtaksdato. Dersom det er behov for forlenging kan dette søkjast om innan fristen.
4. Tilskot løyvd frå næringsfondet vert nedskrive over 5 år. Ved sal av varige driftsmiddel/verksemd/tilskotsgrunnlag før dette tidsrommet er ute, kan kommunen krevje tilbakebetaling i høve den tida som er gått. Tilskotsmottakar pliktar på førehand å gje melding til kommunen om sal eller bruksendring i dette tidsrommet.
5. Tilskotsmottakarar skal rapportere til Modalen kommune om bruk og nyttegevinstar av tilskotet. Rapportering skal skje innan 1 år etter motteke tilskot.
6. Det er ein føresetnad at tiltakshavar har forretningsadresse i Modalen kommune.

Saksopplysningar:

IGold Peykov søker tilskot frå næringsfondet til å etablere nettbutikk for å selje sine produkt og kunne utvikle nye produkt og konsept. Målet er mellom anna vidare vekst med fokus på berekraftig kolleksjon og å kunne gje kundane ein meir unik og tilpassa oppleving. Det er søkt om 100 000,- i tilskot frå næringsfondet.

Bakgrunn

IGold Peykov er ein liten gullsmedbedrift i Modalen kommune. Dagleg leiar er Ivan Peykov som er tilsett 100 %. Bedrifta har eiga verkstad, og hovudinntekta per dags dato er oppdrag frå Sylvsmdja på Voss.

Bedrifta utviklar for tida ein berekraftig smykkekolleksjon av fiskeskinn, og ønskjer i samband med dette å etablere ein nettbutikk der dei kan presentere ny kolleksjon. Nettbutikken vil også tilby andre kolleksjonar og produkt, samt ulike tenester innan gullsmedfaget som reparasjon og «skreddarsydde» smykke etter kundens premisser.

Søkar skriv mellom anna at med nettbutikken ønskjer dei å gjere det enkelt for kundane å finne og bestille smykker, og å vere tilgjengelege for å gje råd, rettleiing og skreddarsydde løysingar.

Vurdering

Det vert i næringsfondsvedtektene vist til at næringsfondet skal vere eit verkemiddel for næringslivet i Modalen og Modalen kommune i arbeidet med å fremje og styrkje næringsaktivitet og sysselsetjing i kommunen. I SNP er det fokusområde knytt til gründer, etablering, entreprenør og innovasjon, samt på utvikling av berekraftige næringar basert på lokale naturressursar.

IGold sin nyaste kolleksjon nytte fiskeskinn frå fisk i Mo-fjorden og gjennom dette utvikle meir berekraftige og unike smykker. Nettbutikken vil kunne vere eit verkemiddel for å få produkta meir tilgjengelege på marknaden og bidra til vidareutvikling av bedrifta.

Søkjjar har verksemdsadresse i Modalen og sysselsetjinga finn stad i Modalen kommune.

Rådmannen sin vurdering er at tiltaket er i tråd med SNP og fell inn under føremålet til næringsfondet.

Økonomi

Det er i søknaden vist til kostnads- og finansieringsplan, og totalkostnadene for etablering av sjølv nettbutikken er sett til kr 100 000,- (inkluderer kostnad etablering nettbutikk, marknadsføring, utstyr), samt eigeninnsats prosjektkostnader på kr 49 000,-. Det er i søknaden også vist til produksjonskostnader for smykkekolleksjon og faste administrative kostnader, samt forventa inntekter dei neste åra. Ut frå opplysingane i søknaden, vert samla prosjektkostnad til det omsøkte tiltaket rekna til kr 149 000,-.

Søkjjar viser til forventa sysselsetting til 30 – 40 % stilling i løpet av dei neste 2-3 åra.

I SNP er det vist til kategoriar for samla tilskot eller lån; kategori 1 vurderast inntil 20 % tilskot av samla stønad, 2 vurderast inntil 35 % og kategori 3 gjev samla stønad inntil 50 %. I særlege tilfelle kan tilskot eller lån tildelast utover kategori 3.

Rådmannen vurderer at tiltaket det vert søkt tilskot til vert vurdert til kategori 3; eit tiltak som i høg grad kan føre til nyskaping/vidareutvikling av verksemda. Dette tilsvarar ei tilskotsramme på inntil 50 % av samla kostnader.

Konklusjon

Rådmannen rår til at Modalen kommune løyver kr. 74 500,- i tilskot frå næringsfondet til IGold Peykov til etablering av nettbutikk.

Næringsfondsstyret - 016/2023

NF - behandling:

Næringsfondsstyret drøfta søknaden og tilskotsramma. Det er vurdert at tiltaket faller innunder kategori 3 som gjev samla stønad inntil 50 % av kostnadene knytt til etableringa.

NF - vedtak:

Modalen kommune løyver kr. 74 500,- i tilskot frå næringsfondet til IGold Peykov til etablering av nettbutikk.

Følgjande vilkår gjeld for vedtaket:

1. Tilskot skal nyttast i tråd med søknad m/vedlegg.
2. Tilskotet vert utbetalt på grunnlag av medgåtte dokumenterte kostnader. Før utbetaling skal mottakar ha levert inn dokumentasjon eller rekneskap som er spesifisert i samsvar med stønad og vedtak.
3. Utbetaling må skje innan 1 år frå vedtaksdato. Dersom det er behov for forlenging kan dette søkjast om innan fristen.
4. Tilskot løyvd frå næringsfondet vert nedskrive over 5 år. Ved sal av varige driftsmiddel/verksemd/tilskotsgrunnlag før dette tidsrommet er ute, kan kommunen krevje tilbakebetaling i høve den tida som er gått. Tilskotsmottakar pliktar på førehand å gje melding til kommunen om sal eller bruksendring i dette tidsrommet.
5. Tilskotsmottakarar skal rapportere til Modalen kommune om bruk og nyttegevinstar av tilskotet. Rapportering skal skje innan 1 år etter motteke tilskot.
6. Det er ein føresetnad at tiltakshavar har forretningsadresse i Modalen kommune.

Vedlegg:

resultset_533_929_vedlegg1.pdf

Søknad om tilskot frå næringsfondet